

چارپه‌رق قيريليردى . و بر الماس كې پارلايان بياض ، تميز قوملر مزي خفيف خشير تيلرله تهزير ايتديكى زمان ، ظن ايدردك كه بو عمان بى پايان شو ايصمىز ساحلك هپ بر حس اخوتله برله‌شن غريب الديار مهمانلرينه بر ترانه تبريك و تشجيع اهدا ايديور .

ذاتاً بوتون طبيعت بزه بو حسن قبولى كوسترمشدى . جسيم اورمانلر ك نسيم مفرحه توديع ايتدكلى توده روايح ، بر حس اغتراب ايله اختلاج ايتك ايسته ين سينه لرمزه قوت بخش بر دواى تسليت كتيرير ، ايلريده چاغلان صولر بزه جسارتلر ويرير ، قوشلر بزه برر نشيده ستان او قور ، بوتون طبيعت محيطه - پاك و طبيعى بر حيات ايله زنده ، فعال كورون بو والده مشفقه - بزى آغوشنه آلير ، باغرينه باصار ؛ بو درين ، بو عمومى حيات ايچنده كدرلر مزي اونوتدورر ، اطرافده آهنگ حياته قارشمق ، ياشامق - ، اوح ، سربستهجه ، انسانجه ياشامق - آرزولرينى بزه ويريردى .

كويمنك اوكنده ، افق مواجك بياض كوپوكلر يله حسب حال ايدر كې حال آشنا دوران رحيم وسالديه ، بيوك بر آغاجك آلتنده ايلك آقشاملر طويلانديغمز زمان يانمزه اويناشان پارلاق صاچلى سوكيلى چوجقلمز ، متحير كوزلرله باقدقلى جسيم واديلرمزه ، دها جسيم اورمانلرمزه ، سامنه دوغرو قوللرينى بعضاً آچارلر ، سانكه بو نامتناهيكلى روحلرينه دولدورمق ايستلردى . و بو طورلر يله ده بزه وظيفه مزي تجسم ايتديرلردى : اوت ، بو عزيز چوجقلمر بويوتيله جك ، بو واديلر ايشلنه جك ، چاليشيله جق ، دائماً چاليشيله جق ايدى . . .

بز بو چاليشميه ابتدا كويمنى انشادن باشلامشدى . ذاتاً پلانر حاضر ايدى ؛ بونلر اوزون اوزون مناقشات صميميه نتيجه سنده هپ قرار كير اولمشدى . كوشكلرمز اويله بويوك مزين دكلى . احتياجا تمزه ، كفايت ايدجك قدر كوچوك ، قيشك فيرطينه لرينه دايا ناجق قدر متين ، فقط ظريف ، سويلى ، ساده بالخاصه ساده ايدى . هپسنده برر بويوك ايش او طهسى ، برر كوچوك سالون ، چوجقلمز ايچون برر كوچوك او طه ، برر ياتاق او طهسى واردى . احتياجا تمز ده ممكن اولديغى قدر آزالتمشدى ؛ ذاتاً سوسلى سالونلردن ، غير طبيعى ، ملوث حياتلردن قاچيوردى . بزى ساده ، الزم ، يالكز الزم اولان اشيالر ممنون ايد بيليردى . بز بختيار اولمق ايچون يالديزلى دوشه مه لره ، ايكللى خاليلره ، آنتيقا مصنوعات مه مقرر دكلك . حس عائله ، بو رفاقت محبانه ، سعى وغيرت

بزی مسعود ایڊیورڊی . بربرمزنك یاننده یاشامقندن ، ذهنلرمزده انسانیت ایچون لایق کوردیکمز بر حیات ایله یاشامقندن ، بربرلمزنی سومکندن ، چالیشمقندن ، چوچقلرمزنی بویوتمکندن ، بو صاف حیاتندن ، بو ساده حیاتندن ، - آه ، بو حیات مخیل ومعززدن ؛ - مسعود ایڊک .

(6 - 3 s. , 1326 , Ist. , حیات مخیل)

حسین جاهد

« مائی و سیاہ » دن

بو سیاہ بر کیجه ایڊی . . . اویله بر کیجه که کویا سماوات بوتون قندیلارینی سوندیره رک دکزلرده خفایای بزم غیبی دوکک ایچون حاضر لانتش ایڊی . یالکز ایلریده دیرکلرله باجه نك بر سرسریء لیلک شکلنده یوروین کولیکه لرینه ظلمت لر ایچنده رهبرلک ایڊن واپورک قرمزی فناری بو سیاهلقلرک آراسنده آچیلش اوزاق بر قرمزی کوزکی بارلایوردی . بو سیاهلقلر . . .

احمد جمیل ایشته شو صاچلرینک آراسنده اوشوتهرک کچن روزکارک قنادلرینی چیرپه چیرپه بو سیاهلقلری سملردن دکزلره دوکدیکنی حس ایڊیور ، کوریور ، اونارک فشافش سقوطني ایشیدییوردی : کویا بر باران در سیاہ . . .

بردن ، بو سیاہ کیجه نك قرشیسنده عقانه بر بشقه کیجه نك خاطرهمی کلدی .

تامبدا حیات خولیا سنده ، تا زمان انجلائی امیدنده تپه باشی باغچه سنده خلیجه باقهرق سیر ایڊیکی مائی کیجه ایله او باران المامی تخضر ایڊی ،

پیش نکهاننده او مائی کیجه ایله بو سیاہ کیجه تقابل ایڊی : مائی و سیاہ .

آه ! بیچاره حیات پڑمرده ! . . مائی بر کیجه ایله سیاہ بر کیجه آراسنده کچن اون بش سنه لک عمر برهوا ! . . بر باران الماس آلتنده انکشاف ایڊرک شیمدی بر باران در سیاہک آلتنده کومولن او ازهار فرسوده آمال ! . .

ایشته ، ایشته ، کوریور ، کوزلرینک اوکننده یاغان بو سیاهلقلر ، دکزه دوکولیکه بر زمزمه واپسین ایله بوغولان بو ظلمت لر ، ایشته بوتلر او حیات خولیا اوزرینه چکیلن بر کفن ماتم دکلی ؟

او وقت دکزه باقدی : سیاہ بر دکز . . قراکفک ایچنده احمد جمیل واپورک کنارندن اسمر بر کویوکلک قایناشه رق فرار ایڊن سیاهلقلری کوریور ؛ بوتون زیر نکهاننده مخوف ، موخش ، وهم آور عدم سیاهلقدن بشقه بر شی کورمه یوردی .